




Broj: 01-50-1-15-48/17

Sarajevo, 5.7.2017.

DOM NARODA  
PARLAMENTARNE SKUPŠTINE  
BOSNE I HERCEGOVINE



**Predmet: O b a v j e š t e n j e**

Predstavnički dom Parlamentarne skupštine BiH je na nastavku 48. sjednice, održanom 5.7.2017., razmatrao sljedeće tačke dnevnog reda:

1. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlažać: poslanik Damir Arnaut, zakon broj: 01-02-1-687/17, od 10.3.2017. (drugo čitanje);
2. Prijedlog zakona o dopuni Izbornog zakona Bosne i Hercegovine, predlažać: poslanik Denis Bećirović, zakon broj: 01-02-1-1074/17, od 21.4.2017., s Mišljenjem Ustavnopravne komisije;
3. Prijedlog zakona o parlamentarnom nadzoru, predlažać: Privremena zajednička komisija oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-02-1-1348/17, od 26.5.2017. (prvo čitanje);
4. Godišnji konsolidirani izvještaj interne revizije za 2016., podnosilac: Ministarstvo finansija i trezora BiH, broj: 01,02-16-1-1110/17, od 26.4.2017.;
5. Konsolidirani izvještaj o sistemu finansijskog upravljanja i kontrole za 2016., podnosilac: Ministarstvo finansija i trezora BiH, broj: 01,02-16-1-1110-2/17, od 26.4.2017.;
6. Izvještaj o provođenju zakona iz nadležnosti Centralne izborne komisije BiH u 2016., podnosilac: Centralna izborna komisija BiH, broj: 01,02-50-19-1215/17, od 12.5.2017.;
7. Izvještaj o zaštiti ličnih podataka u Bosni i Hercegovini za 2016., podnosilac Agencija za zaštitu ličnih podataka u BiH, broj: 01,02-04-1227/17, od 12.5.2017.;
8. Izvještaj o radu Privremene zajedničke komisije oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-50-14-1131-5/17, od 31.5.2017.;
9. Izvještaj Zajedničke komisije oba doma za postizanje identičnog teksta Izmjena i dopuna Jedinstvenih pravila za izradu pravnih propisa u institucijama Bosne i Hercegovine;
10. Izvještaj Zajedničke komisije oba doma za usaglašavanje prijedloga za imenovanje jednog člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH;

11. Izvještaj o utvrđivanju prijedloga kandidata za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, materijal Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, broj: 01,02-50-14-388-4,3a/17, od 9.6.2017.;
12. Izmjena i dopuna Godišnjeg plana obuke i vježbi pripadnika i jedinica Oružanih snaga Bosne i Hercegovine u inozemstvu za 2017. godinu, materijal Ministarstva odbrane BiH, broj: 03/1-03-1362/17, od 29.5.2016.;
13. Informacija o zaštiti imovine vlasnika stare devizne štednje položene u slovenskim i srbijanskim bankama, a sve u skladu s presudom Evropskog suda u Strasbourgu u predmetu 60642/09 Ališić i drugi, predlagači tačke: poslanici Maja Gasal- Vražalica i Denis Bećirović, materijal broj: 01-50-1-1497/17, od 14.6.2017.;
14. Razmatranje poslaničke inicijative Denisa Bećirovića, podnesene 20.4.2017., koja glasi: „Zadužuje se Vijeće ministara BiH da, najkasnije u roku od šest mjeseci od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi Zakon o kinematografiji Bosne i Hercegovine“, broj: 01-50-1-1054/17;
15. Razmatranje poslaničke inicijative Mladena Bosića, podnesene 22.5.2017., koja glasi: “Zadužuje se Regulatorna agencija za komunikacije da Predstavničkom domu Parlamentarne skupštine BiH dostavi informaciju o rezultatima usklađivanja cijena usluga mobilne telefonije u BiH s cijenama u regionu i Evropi, u skladu sa zaključcima usvojenim na 23. sjednici Doma, održanoj 12.1.2016.“, broj: 01-50-1-1290/17;
16. Prijedlog zaključka o formiranju Istražne komisije Predstavničkog doma Parlamentarne skupštine BiH za utvrđivanje utroška sredstava Izvozno-kreditne agencije Bosne i Hercegovine i sredstava prikupljenih i namijenjenih gradnji puteva, predlagač: Kolegij Predstavničkog doma, broj: 01-50-1-1399/17, od 2.6.2017.;
17. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje člana Ureda za razmatranje žalbi, broj: 01,02-50-14-1450/17, od 9.6.2017.;
18. Izvještaj komisije Kolegija o nastojanju za postizanje saglasnosti o davanju saglasnosti za ratifikaciju Memoranduma o razumijevanju o obrazovnoj i naučnoj saradnji između Vijeća ministara Bosne i Hercegovine i Vlade Kraljevine Saudijske Arabije (materijal broj: 01,02-05-2-831/17, od 27.3.2017.);
19. Izvještaj komisije Kolegija o nastojanju za postizanje saglasnosti o davanju saglasnosti za ratifikaciju Protokola o saradnji u oblasti obrazovanja između Vijeća ministara Bosne i Hercegovine i Vlade Republike Turske (materijal broj: 01,02-05-2-999/17, od 12.4.2017.);
20. Davanje saglasnosti za ratifikaciju Sporazuma o statusu i funkcioniranju Međunarodne komisije za nestala lica, materijal broj: 01,02-05-2-1055/17, od 20.4.2017.;
21. Davanje saglasnosti za ratifikaciju Sporazuma o saradnji između Vijeća ministara Bosne i Hercegovine i Vlade Crne Gore u procesu pristupanja Evropskoj uniji, materijal broj: 01,02-05-2-1353/17, od 26.5.2017.;

22. Davanje saglasnosti za ratifikaciju Ugovora o finansiranju (Bolnice u RS-u – B) između Bosne i Hercegovine i Republike Srpske i Evropske investicione banke, materijal broj: 01,02-05-2-1363/17, od 29.5.2017.;
23. Razmatranje materijala sa oznakom „povjerljivo“, akt broj: P-POV-07-03-10-9-30/17, od 23.5.2017.

\*\*\*\*\*

**Ad.1.**

Kolegij Predstavničkog doma *obavit će naknadno usaglašavanje* o Prijedlogu zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, čiji je predlagač poslanik Damir Arnaut (zakon u drugom čitanju).

**Ad.2.**

Predstavnički dom *nije usvojio* negativno mišljenje Ustavnopravne komisije o Prijedlogu zakona o dopuni Izbornog zakona Bosne i Hercegovine, predlagač: poslanik Denis Bećirović, te je Ustavnopravna komisija zadužena da izradi novo mišljenje.

**Ad.3.**

Predstavnički dom *usvojio je* u prvom čitanju Prijedlog zakona o parlamentarnom nadzoru, predlagač: Privremena zajednička komisija oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru.

**Ad.4.**

Predstavnički dom *usvojio je* Godišnji konsolidirani izvještaj interne revizije za 2016., podnosilac: Ministarstvo finansija i trezora BiH.

**Ad.5.**

Predstavnički dom *usvojio je* Konsolidirani izvještaj o sistemu finansijskog upravljanja i kontrole za 2016., podnosilac: Ministarstvo finansija i trezora BiH.

**Ad.6.**

Predstavnički dom *usvojio je* Izvještaj o provođenju zakona iz nadležnosti Centralne izborne komisije BiH u 2016., podnosilac: Centralna izborna komisija BiH.

**Ad.7.**

Predstavnički dom *usvojio je* Izvještaj o zaštiti ličnih podataka u Bosni i Hercegovini za 2016., podnosilac: Agencija za zaštitu ličnih podataka u BiH.

**Ad.8.**

Predstavnički dom *usvojio je* Izvještaj o radu Privremene zajedničke komisije oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru.

**Ad 9.**

Predstavnički dom *usvojio je* Izvještaj Zajedničke komisije oba doma za postizanje identičnog teksta Izmjena i dopuna Jedinstvenih pravila za izradu pravnih propisa u institucijama Bosne i Hercegovine.

**Ad.10.**

Predstavnički dom *imenovao je* Vedada Gurdu za člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH.

**Ad.11.**

Predstavnički dom *imenovao je* Tatjanu Klječanin-Martić za članicu i predsjednicu Nezavisnog odbora kao nezavisnog tijela policijske strukture Bosne i Hercegovine iz srpskog naroda.

**Ad.12.**

Predstavnički dom *primio je k znanju* Izmjenu i dopunu Godišnjeg plana obuke i vježbi pripadnika i jedinica Oružanih snaga Bosne i Hercegovine u inozemstvu za 2017. godinu, materijal Ministarstva odbrane BiH.

**Ad.13.**

Predstavnički dom *usvojio je* prijedlog Kolegija Doma u proširenom sastavu kojim se pozivaju predlagači tačke dnevnog reda da na 49. sjednici predlože konkretne, modificirane prijedloge zaključaka, a koji su sadržani u Informaciji.

**Ad.14.**

Predstavnički dom *nije usvojio* poslaničku inicijativu Denisa Bećirovića.

**Ad.15.**

Predstavnički dom *usvojio je* poslaničku inicijativu Mladena Bosića.

**Ad.16.**

Predstavnički dom *usvojio je* Zaključak o formiranju Istražne komisije Predstavničkog doma Parlamentarne skupštine Bosne i Hercegovine za utvrđivanje utroška sredstava Izvozno-kreditne agencije Bosne i Hercegovine i sredstava prikupljenih i namijenjenih gradnji puteva, te u Istražnu komisiju imenovao poslanike: Šemsudina Mehmedovića, Predraga Kožula, Nenada Lalića, Zaima Backovića, Damira Bećirovića i Salka Sokolovića.

**Ad.17.**

Predstavnički dom *usvojio je* Zaključak o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje člana Ureda za razmatranje žalbi, te u Privremenu komisiju imenovao poslanike: Safera Demirovića, Dianu Zeleniku i Borislava Bojića.

**Ad.18.-19.**

Predstavnički dom *nije dao saglasnost* za ratifikaciju:

- Memoranduma o razumijevanju o obrazovnoj i naučnoj saradnji između Vijeća ministara Bosne i Hercegovine i Vlade Kraljevine Saudijske Arabije i
- Protokola o saradnji u oblasti obrazovanja između Vijeća ministara Bosne i Hercegovine i Vlade Republike Turske.

**Ad.20.**

Predstavnički dom *dao je saglasnost* za ratifikaciju Sporazuma o statusu i funkcioniranju Međunarodne komisije za nestala lica.

Na prijedlog poslanika Momčila Novakovića, *usvojeni su* zaključci koji glase:

1. *Obavezuje se Ministarstvo za ljudska prava i izbjeglice BiH da intenzivira aktivnosti na izmjenama i dopunama Sporazuma u preuzimanju uloge suosnivača između Instituta za nestala lica BiH i Međunarodne komisije za nestala lica.*
2. *Zadužuje se Zajednička komisija za ljudska prava PSBiH da prati realizaciju stava 1. ovog zaključka.*

**Ad.21.-22.**

Predstavnički dom *dao je saglasnost* za ratifikaciju:

- Sporazuma o saradnji između Vijeća ministara Bosne i Hercegovine i Vlade Crne Gore u procesu pristupanja Evropskoj uniji i
- Ugovora o finansiranju (Bolnice u RS-u – B) između Bosne i Hercegovine i Republike Srpske i Evropske investicione banke.

**Ad.23.**

Predstavnički dom *usvojio je* materijal sa oznakom „povjerljivo“, akt broj: P-POV-07-03-10-9-30/17.

